


Whakapapa na te whānau Aranui mai i a Hoturoa.

*Judge Amber
Copies*



RECEIVED
Waitangi Tribunal
3 0 MAR 2010
Ministry of Justice
WELLINGTON

OFFICIAL
Wai 898, # C10

Received from Hinekahukura Aranui on 30/03/10

Ko Hoturoa te Ariki o te waka o Tainui.


Ka moe a Hoturoa i a Whakaotirangi, ka puta ko Hotuope. Ka moe a Hotuope i a Hineihi, ka puta ko Hotuawhio. Ka moe a Hotuawhio i a Tapua

angi, ka puta ko Hotumatapu. Ka moe a Hotumatapu i a Hineraku, ka puta ko Motai. Ka moe a Motai i a Pareauru, ka puta ko Uenga. Ka moe a Uenga i a Kahupeka, ka puta ko Rakamaomao. Ka moe a Rakamaomao i a Taearuhia, ka puta ko Kakati. Ka moe a Kakati i a Ururangi, ka puta ko Tawhao. Ka moe a Tawhao i a Punuiatekore ka puta ko Turongo. Ka moe ano a Tawhao i a


@Hinekahukura Aranui 2010

Whakapapa na te whānau Aranui mai i a Hoturoa.

Marutehiakina ka puta ko Whatihua. I whanau mai a Whatihua i te tuatahi, engari ko Punuiatekore te mātāmua o ngā wāhine a Tawhao. Kua noho tēnā kaupapa hei taukumekume i ngā whānau a Turongo rāua ko Whatihua.



Whakapapa na te whānau Aranui mai i a Hoturoa.



Ka kitea ake te hononga o Ngati Te Kanawa rāua ko Ngati Hikairo

Koinei te whakapapa o aku mātua o Otia rāua ko Pani. He korero ano mo te whakapapa o taku matua, he korero ano te whakapapa o taku whaea. Ko māua anake ko taku tungane, a Te Manuao e ora ana i tenei wā.

I te wā e ora tonu ana a Te Kanawa (1) rāua ko Waikohika, e noho tata atu ana te whānau nei i Rakaunui. No te roanga ake ka kitea i nuku mai te whānau nei ki Te Mahoe, he kāinga i nohongia e Te Aranui (2) rāua ko Whaeapare. Ka roa te whānau nei e noho ana i konei, ka nuku mai ano ki Waitomo. He oī ano ko te mohio he pakanga i neke mai ai te whānau nei ki tēnā waahi, ki tēnā waahi.

Whakapapa na te whānau Aranui mai i a Hoturoa.

He roa tonu te wā e nohongia ai a Te Mahoe, ā ko te mohio ko Taumatatotara me Matakana ngā ngahere hei kohinga manu hei huahua mo te whānau. He kāinga tawhito a Te Mahoe i nohongia e ngā tūpuna i te wā pea i muri mai o te pakanga ki Matakitaki; (Pirongia) ko wai e mohio ake. Mena ka tirohia te kāinga o Te Mahoe ka kitea kei roto i ngā awaawa o Waiharakeke. Akuanei i hoki whakaroto ngahere te whānau. Kaore matau ko aku tungane i te ora i taua wā, engari he rongonga kōrero mai i aku mātua, tūpuna. Kī aku whakaaro na te nui o te kai ka neke haere ano te whānau mai Te Mahoe ki Pohatuiri. **Engari ko te tino kaupapa i neke ai te whanau a Te Aranui na te mea he nui ratou i paangia ki te rewharewha, ara i te kohitu. I haere ratou ki te kimi oranga mo ratou.** Kua takahia noatia atu te huarahi mai Te Mahoe ki Pohatuiri. He huarahi tawhito e ahū atu ana kī te maunga o Owhawhe. Kua timata noa atu te noho mai o te tangata ki Pohatuiri. He teitei te kānga nei, ā me mohio ano kite huarahi, ka kitea te kāinga o ngā whānau i reira. I taua wā ko Te Pohatu Whakairinga te ingoa o te kāinga nei, ā he matara atu ano te waahi nei, i te whenua kua nohongia e aku tūpuna i mua tata ake nei.

I whānau mai taku matua i Pohatuiri i te tau 1907. Engari ano tana matua, ara taku tupuna a Te Ruruku i whānau mai pea tēnā i Te Mahoe. Kaore au e mohio. Na Te Ruruku i arahi te Pakeha ki roto i te ana o Te Aranui, koina i tapaina ai ko Te Aranui te ingoa o taua waahi. \$25.00 te utu mo tana haringa i te Pakeha ki roto ana. I mate mai taku tupuna i te tau 1936-38 ranei. E moroiti tonu ana au i te wā i noho mai ai ia i to mātou taha, hei tiaki ma taku whaea. He tino pakikoke taku tupuna i taua wā, a i hikina ia e taku whaea i ngā wā katoa penei i te pēpi, ā mate noa.

Koinei aku mohiotanga mo te taha o taku matua me taku tupuna a Te Ruruku Te Tahiwī Te Aranui..

Te Aranui = Raiha /
/ *Ngaika Kahumako 4 (f) = Ropata Parete*
Te Ruruku = Taehuri /
/ /
Otia Te Rongotoa = Pani Parete (he kaumatua ake ia i
/ *tona hoa)*
Te Heruika (m)
Taretare (m) [he mahanga raaua]
Heemi (m) [I taurimatia e te whanau o Rawiri]
Hinekahukura (f) (Ko hau e tu nei.)
Maggie (f) [Ko te whaea he kotiro na Pani Parete]
Te Manuao (m) (Kei Otautahi e noho ana.)

Ka kitea te hononga o Ngati Te Kanawa, me Ngati Uekaha ki a Ngati Hikairo. Ko te taha mauii te taha o taku matua, ko te taha katau te taha o taku whaea. He maata-mua a Ropata Parete na Caroline Te Maawe, raaua ko Nathaniel Barrett. He Pakeha a Nathaniel no Cambridge o Ingarangi. I tau mai ia ki Aotearoa i te tau 1849. No te 16 o Mei o taua tau tonu, ka moea raua ko Te Maawe, te kotiro a Te Urionewha raua ko Pourewa. I moea raua e te minita o te waa, ko Hone Te Waitere tona ingoa, he mihingare Weteriana no Ahuahu. Tokowhitu nga tamariki a Nataniel raua ko Te Maawe. Ko Ropata, ko Winika, ko Te Murunga, ko Lucas, ko Pourewa me nga mahanga ko Rangiona raua ko Ani. Engari i toremi a Lucas raua ko Ani i te waa e tamariki tonu ana raua.

I tuhi atu a Nathaniel ki te Kawana, kia Kawana Grey, kia tukuna te whenua o ana hungawai ki a ia, i te tau 1850. Engari no te tau 1854 katahi ano ka tukuna he whakautu ki a ia, me te oati, kia hoki mai te whenua ki tona hoa me nga tamariki mena ka mate ia. Ko Te Wharau te whenua e korerotia nei, he whenua tata tonu ki te Raki o Waiharakeke; aa he roa tonu tona whanau e noho ana i reira. Kaore hoki i matara mai te kaainga o nga maatua o Te Maawe; i noho mai

Te Kawairirangi

/

Rungaterangi

/

Maniaopetini

/

Taitengahue

/

Maniauruanhu 2 = Oneone [Te Arawa]

/

Tukehu

/

Parepapa

/

Huiatunoa = Kinoroa

_____, / _____
/ / /

Pareteka

Pourewa = Te Urionewha [Te Arawa] Te Waipounamu

_____, / _____,

Makereti

Caroline Te Maawe = Nathaniel

_____, / _____

/ / / / / "twins
Ropata [Robert], Winika, Te Murunga[Thomas], Lucas, Pourewa. Rangiora

=

Ani

Ngaika Kahumako

/

Pani = Otia Te Rongotoa

Ka puta ko taku whanau